

պատկերել: 1823 թվ. բոլոր մահալներում եղել է հայ 1379, թուրք 2576 ծովա: Եթե հաշվելու լինենք հայ ընտանիքը (ծովսը) այն ժամանակ, երբ գերիշխում էին խոշոր գերդաստանները. ութ անձից, իսկ թուրք ընտանիքը հինգ անձից բաղկացած, գավառի ամբողջ բնակչության թիվը անմիջական կառավարության հաստատման այդ թվականին ուրեմն հասնելիս է եղել 23912 շնչի, իսկ 1886 թ. մարդահամարով գավառում եղել է 69540, իսկ 1939 թվին 85115 անձ: Ափսոս. որ դժվար է թվական տվյալներ գտնել տարեց-տարի դրսի աշխատանքների գնացողների, գոնե ըստ վերցրած անձնագրերի թվի, ինչպես և նոր աշխատանքային վայրերում (Բաքու, Անգրեկասայան երկիր) ընդմիջտ վերաբնակվողների թվի մասին:

Այնուամենայնիվ բնակչության թվի մասին որոշ գաղափար կարող են տալ բերված № 3, 4, 5 աղյուսակները: